

明代方志選
(六)

廣西通志^①

明萬曆二十七年刊刻



新學堂藏

07

明代方志選 (七)

廣西通志 ②

明萬曆二十七年刊刻



新學堂

中國史學叢書
吳相湘主編

國立中央圖書館藏本

明代方志選(全七冊)

撰者：明·彭澤修等

出版者：臺灣學生書局

本書局登：行政院新聞局局版業字第一一〇〇號

記證字號：行政院新聞局局版業字第一一〇〇號

發行人：丁文治

發行所：臺灣學生書局
臺北市和平東路一段一九八號
郵政劃撥帳號〇〇〇二四六六八號
電話：三二四一五六・三二一〇九七

香港總經銷：藝文圖書公司

地址：九龍又一村達之路三十號地下後座
電話：三一八〇五八〇七

定價精裝新臺幣三八〇〇元

中華民國五十四年五月初版
中華民國七十五年五月第二次印刷

重脩廣西通志序

方今士鼓掌偕箸爭展轉
於北之虜南之蠻虜號為
天驕倔强於陰山之外既
去

神京不十舍且其風氣殊故

廣西通志序

十一

為患至深而吾所以策而
杆之為至亟蠻非虜比其
衣食寢處好尚猶然中國
也而當予始備員掖垣則
已見紛紛奏報自兩川百
粵而南無寧歲矣於戲南

廣西通志序

十二

中險遯孔明擒而復縱孟
獲跳梁而復馴况百粵兩
川今職方版而列之為內
地非地之不可畊而食民
之不可藉而使也何有司
者苦於戾兵時煩寇令至
與九邊共屨

宵旰之憂何至以同封接壤
之赤子而視之如蒙古如
契丹也乃奉

璽書南下假道於楚以薄古
所稱桂林象郡見峯巒秀

拔俯瞰碧流而百折既斷
既續既已念地靈人傑疑
必有奇姿輩出如韓退之
所贈廖道士者其云雖徭
人僮人諸種落往往雜出
間為不靖而封疆相錯如
繡天似未有以界絕之也
及下車日久與二三大夫
朝夕相諮考則又聞諸種
落內向已有讀書服章縫
為博士弟子員者因重念
夫蠻非虜比所貴於招携

懷遠在管敬仲有明訓焉
而及載觀通志八若干卷
所以紀粵詳矣其關梁川
谷甲兵田賦與夫民風士
俗之趨內夏外夷之際尤
為反覆於是始仰而喟然
以為粵之勝也其雜於蠻
而蠻固未嘗不可以中國
之治治也其物產之夥也
其
王賦之自也其聲教之訖也
其

國化之不限於彼與此也其地形之不相間也其天性之不甚相戾也因其勢之自伊握其機之自我則屈伸惟便而干戈轉化為衽席又何虞於向者紛紛出沒之相尋既往來於南北事觀於志而益審用不量不敏以其夙所揣摩者而序之于顛以詔于今俾乃一切負隅許為更始而且以冀夫後之披是編撫是

境而圖是策宜必有如敬仲焉者而無遽以待虜者待之也
萬曆己亥長至日
賜進士第通議大夫奉
勅巡撫廣西等處地方兼理
軍務都察院右副都御史
前刑科左給事中侍
經筵官西蜀楊芳撰



廣西舊志序

蕭子雲



嘉靖己丑蒲田省吾林公嵩以侍郎兼都御史來總督吾粵南甯務撫巡其人民既至定規模嚴號令選將練兵信賞必罰未數月聲振南土問索吾輿地志於掌故以謂為人上者於所部山川疆土風民俗人才食貨以至邊防兵政之類苟未一周知則無以酌古準今施於政教興化善小惠安民紓九重南顧之憂慰一方士民之於是慨然以為已任而以脩纂之事屬之提學

廣西通志序

十一

四

金事香山黃君佐君乃發凡舉例因舊為新刪繁撮要闡幽訂誤為稍加校訂明年辛卯公既平新寧之寇其秋自羊城抵蒼梧再閱前稿手自竄定始秋然成書遂以餞梓於戲非公身任政教之責惓惓幸惠一方之人則是編雖更前後諸賢纂輯刪潤亦終與塵埃蟲鼠共散於敗麓中耳安望其秩然成書梓行於世哉先王疆理天下物其土宜齊其政而脩其教九州之志自上世已與三墳五典偕號為帝王遺書焉別九州分其圻界周則大

廣西通志序

十一

方

司徒以天下土地之圖周知九州地域廣輪之數而道地圖以辨地物則土訓掌之道方志以知地俗則誦訓掌之凡若此者豈徒事編文以飾吏事哉辨封域則欲其慎固別淑慝則欲其勸懲錄丁口頃畝則欲徭役均平書學校教化則欲習尚淳蠲以至物產豐耗吏治得失莫不各有微意於其間皆所以為政化計天下郡邑志之所同也至于文事武備內脩外攘則在吾廣尤不可以一日地故今之所志於兵防者清尤致意焉蓋禹貢文教之揆武衛之奮周職方氏辨其邦國都鄙之人民雖四夷八蠻亦莫不狃所以別內外之限嚴華夷之防其為吾廣生民慮也周且遠矣吾廣僻居南徼夷寇侵軼無歲無之文獻不足於徵蓋有不勝其可慨焉者自昔方志之所紀載若沈懷遠之南越志莫休符之桂林風土記劉珣之嶺表異錄范旻之邕莞雜記周去非之嶺外代答皆徒有其目無其書其書之存於世為士大夫所共稱道者在宋惟一桂海虞衡志作竹文穆范公成大者在

本朝惟一桂林志作於禮侍陳公璉者然文穆所志止於山川物產禮侍所志止於一郡數邑況自宋至今上下數百年而簡編紀載希濶寥寂僅僅若此事之遺闕夫豈少哉此今日脩志之舉在公自不容於少緩也使後之官于斯游于斯生長于斯者皆知是書大有關於政教是繼是承以禪續於無窮則由今可以知古由後可以知今吾廣文獻將自是不患於無徵其爲利益未可以一言而盡也冕卧病山中快睹鄉國圖志梓行於時既深

廣西通志

序

三

爲吾廣士民幸又獲桂名卷中尤竊以自幸顧哀朽蹇拙弗克出一詞以贊之不能不愧汗也爰筆冕之所以幸且愧者以告于公用以謝不敏云
嘉靖壬辰春正月甲子洮陽病叟蔣冕書于湘阜之賜閒堂

















